

ПРИВИЛЕЙ ВЯЛИКАГА КНЯЗЯ ЛИТОЎСКАГА КАЗІМІРА 1447 года

02.05.1447 г.

Во имя божье, аминь. К вечной речи памяти. Все речи, который бывают, от людской памяти поспол с часом отходят, а ни потом к памяти могут приведенны быти: олиж писмом и мають подтвержены быти. Про тож мы, Казимир, ... (т), познавше верность уставичную почтивых, достойных, освеченых, выбранных, мудрых прелатов духовных и светских княжат, рыцеров, шляхтичов, бояр, местичов земель Великого Княжества Литовского и Руского, Жемоитского, которую ж к нам и к нашей парсуне освяченной, как то до правого дедича и пана прироженного, имели и имають, а також и на потом имети уставичне и верне мыслять, якож то черес осмотренье наше есть найдено: достойне умыслили есмы, за такие доброты и ласки, дары и иными ласками им милостиве отдарить; бо тогды потом к нам и к нашим службам найдени будут рихлейшими, коли себе узрять такими ласками утешоны.

1. Тогож дея, наипервей, предреченым прелатом княжатам, рытерем, шляхтичом, бояром, местичом нареченым земель Великого Княжества Литовского и Руского, Жемоитского неотзывне дали есмо и моцью того то листа щедре даваем, призволяем и вечне даруем посполито, права тыя, зволеньства, твердости, якож имають прелаты, княжата, рытеры, шляхтичи, бояре, местички Коруны Полское. Але бы потом в том не было никоторое отщепение, а любо недоверство возникнуть туто умыслили есмы положити через выклад письма явне.

2. А напервей, вся дарования, привелеи, твердости церквей головных, зборных и кляшторных в землях наших Великого Княжества Литовского и Руского, Жемоитского и иных, поставленных и заложенных, а и потом который будут заложены, хочем без порушения и без обид ховати, боронити и щитити, в подлуг все наше моци.

Которая ж то церква головная, зборная, кляштырная,... иж бы пуста была, а пастыря не держала, которое ж поданье к нам и к нашим наместником пригодило бы ся; тогда им с полного права, не иного, а любо не иных, пастыря, а любо пастырев давати маем, нижли Великого Княжества Литовского, прироженого, аж достойными обычаи найден будеть; аж пак не будеть, тогда иного рожаю парсуну ужиточную, почестливую, згодную, которая ж бы могла рядить и вжиточна быти, маем дати, только крат, колько будеть надобе.

3. Также предреченым прелатом, княжатам, рытерам, шляхтичом, бояром, местичом предреченых земель Великого Княжества Литовского, Руского, Жемоитского дали есмо: штож ни на жадного обмовление явное или тайное, тых княжат, рытеров, шляхтичов, бояр, местичов не будем казнити, ни имени, а ни пенязьми, ни нятством, ни кровью, олижь очи-в-вочи, оба посполь явно стануть на суде, вподлуг права христианского, который ж будеть у подлуг переможенья права виноват, подлуг обычая и права Коруны Полское имають быти казнены и сужены, подлуг их великости проступков.

4. Також за проступку, каково ль коли проступить, ниhto иный, только тот виноватец, хто проступить, подлуг права христианского имат быти казнен; штож ни жена за проступку мужа своего, а ни отец за

проступку сына, а ни иный прироженный, а ни слуга, только олиж бы был причастник тое проступки, только выймуочы проступки против нашего господарства.

5. Також призволяем, абы княжата, рытеры, шляхтичи, бояре, добровольно имели бы мощь выехати з наших земель князьства великого, для лепшого шчастья набытия, а любо учинков рытерских, до каждых земель, сторон, только выменяючи стороны неприятельское, а куды выеждиваючи из своих имений, штобы службы наши не были замешканы, але нам и наместником нашим как бы сами очивисте были, только кроть, колько надобе служили бы.

6. Також предреченыи и княжата и рытеры, шляхтичи, бояре, местичи, именья свои и отчины, што им даное, а любо дарованое через освяченого кн. Александра, нареченного Витовта, достойной памяти дяди нашего, и через освяченого кн. Жикгимонта даные и дарованые, который ж держали, и имаюче и володеюче из их дарования привильями, достаточным светочством, твердостью листов возмогут досветчити. с правом имають держати, якож то княжата и рытеры, шляхтичи, бояре и местичи у Коруне Польской свои именья держать, и добровольную мощь имають продати и заменить и зычити, и дарити, к своему лепшому обернути; а коли тыи именья продаючи, заменяючи изыначаюче, даруюче, перед нами в любо перед нашими наместниками имають здати.

7. Також по смерти отцове, сынове и дочки от своее отчины не мають отдалены быти, але с их ближними с полным правом маюць володети, якож то княжата, рытеры, шляхтичи и местичи Коруны Полские своим володеють и к ужитком добрым промышляють.

8. А також, коли некоторому князю, рытеру, шляхтичу и местичю с того света пригодилося бы

изыйти, тогда удову у в имени мужа ея оставити
хочем так долго, как долго будеть на столци вдовьем
седети аж, пак, коли которая усхочет к другой свадьбе
прийти, маеть быти дана, когож выбереть. А дети, аж
будут первого мужа, в имени мають остати: аж, пак, не
будет детей первого мужа, ино ближним меньше первого
мужа, якож и иный удовы у Коруне Полской деражать.

Аж первый муж у предреченом имени своей
жене некоторое вено запишет, а она может того
досведчити; тогда, подлуг обычая права, кому
усхочет, тому полецить.

9. А також дочки, племенници и удовы могут
замуж давати, нас и наших наместников не
докладываючи, нижли только обычай христианской у
том заховаюче.

10. А теж вси а каждый особне, селяни и
подданные княжatom, рытерем, шляхтичом, бояром и
местичом наших земель Великого Княства Литовского,
от всего данья и заплаты, собранья вытягнення
серебщизны и теж мер, который же дякла реченыи суть,
от воженя камня, протесов бревен и дерева на жжения
плит, а любо мелу на города, сенокосения и иных
несправедливых работ выпущены и будуть вольны
овшейки и выняты, выменуячи работы на будованье
городов наших новых потребных, а старых
поправленья; теж княжatom, рытерем, шляхтичем
селян данных и подданных и через нас им дарованных а
також выимаюче.

А теж из-стародавна зыченые на нас и на наши
будущий уряды поборы, стацыи, мостов новых чиненя,
старых поправленья, а городов оправленья, непорушне
заховаем, а и хочем всегда имети неслободных.

11. А також мы, а любо заказники наши, тых
предречонных княжат, рытерев, шляхтичов, бояр,

местичов земель наших литовских и русских и жемоитских и иных, людей данных, извечных, селянитых, невольных, которое бы коли плоти были, а любо достоинства, не приимем, а ни урадником нашим принять не перепустим; а они теж прелатыжняжата, рытери, шляхтичи, бояре, местичи Великого Княства Литовского и Руского, Жемоитского, наших и будущих людей, которое бы коли плоти были, а любо достоинства, принять сами, а любо через свои врядники, ни жвдным (жадным) обычаем не смети будутъ.

12. А також на подавание предреченых княжат, рытерев, шляхтичов, бояр, местичов децких не дамо; олиж бы первей от пана, которому ж тот поддан, который кривду вчинил, правда пожадана была, ач бы он на рок не хотел к праву поставити; тогды наш децкий, а любо наших заказников имать быти послан; а виноватый, который вину заслужил - пану своему, а не иному будетъ обязан заплатити.

13. А також обещуем и слобуем, иж панства нашего земель, великого князства предреченого, не вменшим, але у границах, как же предки были наши, на имя князь Александр, нареченый Витовт, дядя наш, и иные деражали и володели, також и мы теж земли здорови, целы, держати будем и володети и а с божьею помочью и всеми силами нашими размножати будем.

14. Також обещуем и слобуем, иж в землях тых наших великого князства земель, городов, мест а любо которых - колвек дедичтьв, у володение и в держание, а любо некоторыи вряды а любо чти, не маем дать в честь никоего чужоземца, але только родичам тых земель наших предреченных Великого Княства Литовского дамо, и наши после будущии дадутъ в держание и володенье.

А на свидетельство сего листа печать наша есть привешена. А деялося и дано через руце велемощного Михаила Кезкгайловича Здавилтовича, Великого Княства Литовского канцлера, в Вильни в день св. Жикгимонта в лето Божиа нарожения тысяча четыриста 57-е (?) [1447].

Писан руками Мартиновыма з Лужка, он жо то имел с приказу.

Цытуеца ў адпаведнасці з тэкстам прывілея, надрукаваным у выданні: Акты, относящиеся к истории Западной России, собранные и изданные Археографическою комиссией (Далей - АЗР). Т. 1: 1340-1506. СПб., 1846. № 61. С. 73-77.

Вішнеўскі, А.Ф. Гісторыя дзяржавы і права Беларусі ў дакументах і матэрыялах (са старажытных часоў да нашых дзен) / А.Ф. Вішнеўскі, Я.А. Юхо. - Мінск, 1998. - С. 43-46.